

ՏՐԱՆՍԻԼՎԱՆԻԱՅԻ ՀԱՅԵՐԻ ՊԱՅՔԱՐԸ ԱԶԳԱՅԻՆ ԻՆՔՆՈՒՐՈՒՅՆՈՒԹՅԱՆ ՊԱՀՊԱՆՄԱՆ ՀԱՄԱՐ՝

Չնայած այն բանին, որ ԺԹ դարի վերջում սկսել էր պակասել հայախոս հայերի թիվը և Տրանսիլվանիայի երբեմնի շենշոդ հայ գաղութը իր օրհասն էր ապրում, այնուամենայնիվ, ի պատիվ տբանսիլվանահայության, անգամ այդ շրջանում նա տվեց ականավոր այնպիսի դեմքեր, որոնք առաջնորդվելով իրենց նախնիների շնչով, փորձեցին դարձյալ թուժք կանգնեցնել հայ գաղութին սպառնացող համայնակուլ ալիքների գեմ: Եվ ահա այս ժամանակաշրջանում ավանդապահ հայերի ղեկավարությունն էին ստանձնել Եղիսարեթուպոլսի հայոց ժողովրդապետ, Վիեննայի Մխիթարյան Միաբանության ապագա արքահայր և Տրանսիլվանիայի հայաքաղաքների պատմության բազմահմուտ հեղինակ Հ. Գ. Գովրիկյանը (1841—1931 թթ.), «Armenia» հունգարերեն հայագիտական ամսագրի հրատարակիչ-խմբագիր և Գեոլաջի պատմահայր Խ. Սոնկոտյանը (1843—1907 թթ.), բանասեր և հրապարակախոս Հուլիոս Միրզայանը (1862—1943 թթ.) և ուրիշներ: Վերջիններս իրենց գործունեությամբ և հրատարակած հայերեն և մասնավորապես հունգարերեն արժեքավոր հատորներով և գրքուկներով, ԺԹ դարի վերջում և ի դարի սկզբում բացահայտեցին Տրանսիլվանիայի հայությանը սպառնացող ուժացման վտանգը և իբրև դարման, դարձյալ օրակարգի հարց դարձրին հայկական ազգային եպիսկոպոսության վերականգնման խնդիրը: Գովրիկյանը, ամենայն հավանականությամբ, ԺԹ դարի վերջում ականավոր մի անձնավորության հետ ներկայանալով երկրի համակրթության նախարարին, դարձյալ փորձել էր պաշտպան կանգնել հայ գաղութի իրավունքներին: Երբ նրանք մատնանշել են,

որ Բոսնիայում նոր եպիսկոպոսություններ են հաստատվել և հրեաներն իսկ ունեն իրենց գլխավոր րաբբին և թե միայն հայերն են, որ ղրկված են այդ իրավունքներից, բարձր պաշտոնյան, որ բացասաբար է տրամադրված եղել հայերի հիշյալ հարցի նկատմամբ, զարմանալով պատասխանել է հետևյալը. «Ունիք եկեղեցական առաջնորդ: Հո՛ն է Դրանսիլվանիո եպիսկոպոսը»²¹⁷:

Սակայն հայերը այս անգամ էլ չհուսահատվեցին: Եվ ահա 1900 թվականին, *Revue d' Orient*»-ի մեջ լույս տեսած մի հայտարարությունից հայտնի էր դառնում, որ մայիսին հունգարահայերը մեծաթիվ մի պատգամավորություն են ուղարկելու Հոռոմ, պապից հայածես եպիսկոպոսության վերահաստատումը խնդրելու համար: «Հանդէս ամսօրեայ»-ն, գրում էր իր կողմից, որ «Եթե Ս. Գահն Հունգարահայոց երկու դարե ի վեր տածած այս սրտի փափագն կատարելու տրամադիր ըլլա, որուն տարակույս չունինք, հայերը Հունգարիո կառավարության քով հարկավոր եղած քայլերը պիտի առնուն: Հաջողություն»²¹⁸: Այս սկզբից հետո, որի արդյունքների մասին մեղ ոչինչ հայտնի չէ, 1901 թվականին լույս է տեսնում Հ. Միրզայանի *Veridicus* (ճշմարտախոս) ծածկանունով «Հայ ծեսին հունգարական առաքելությունը» հունգարերեն գրքուկը, որը շուտով արտատպվեց նաև «Հունգարիա» թերթում: Հիշյալ գործի նպատակն էր երկրի նորաբաց ավազածողովի պատգամավորների ուղադրությանը հանձնել 200 տարիներ շարունակ ձգձգվող և հայերի գոյության համար ալնքան կենսական նշանակություն ունեցող այս հարցը: Հեղինակը, հիմնականում նշելով հայ եպիսկոպոսության

* Շարունակված «Էջմիածին» ամսագրի 1964 թվականի № ԺԲ-ից, 1965 թվականի № Ա-ից և 1966 թվականի № Բ-ից, Գ-ից, Դ-ից, Ե-ից և Զ-ից:

²¹⁷ Հ. Գ. Գովրիկյան, «Հայր յնդիսարեթուպոլիս...», Գ, էջ 422—423:

²¹⁸ «Հանդէս ամսօրեայ», 1900 թ., էջ 188:

վերականգնման կարևորությունը ազգայահայանման գործում, հանդում էր այն եղբակացության, որ այն օգի և ջրի նման անհրաժեշտ է հայերի գոյության համար: Արան, չիլի ևն հատկապես այն տողերը, որոնք նվիրված են հայերի երկդարյա մաքառումների պատմությանը: «Հարյուրութսուն ու հինգ տարիս ի վեր կլսվի այս տենչանքը: Ուստի, չէ թե՛ սերնդի մը գաղափարը՝ ցանկությունն է հայ եպիսկոպոսության վերականգնումը, հապա սերունդներու—որ շաղտնակալ մերժմանց բաղամապատիկ ընդդիմությանց հակառակ ալ, չմարեցալ, մեկ կամ մեկալ սերնդյան հոգվուն մեջ—հապա նորոգեցալ, դալարացալ: Մերժմանեն՝ ընդդիմութենեն ու հակառակություններեն՝ իբրև թե նոր սնունդ առալ... Ասկե ան կհետևի, թե տեսք է, որ այս փափագն, այս տենչանքն արդարության, ճշմարտության վրա հիմնված ըլլա»:

Հեղինակը զգացնել է տալիս նաև այն, որ իրենց իրավունքը արդար է. «Որովհետև իրավանց վրա հիմնված տերության մը մեջ, արդարությունը՝ կենթադրե իրավունք: Հայեր չեն խնդրեր նոր արտոնություն իրենց համար... հաղա միայն ետ կխնդրեն ան բանը, զոր արդեն ունենին»: Վերջում, նկատի ունենալով 1868 թվականի օրենքով հայ կաթոլիկ եկեղեցին իբրև ինքնուրույն եկեղեցի ճանաչվելը, գրում էր. «Աս՝ երկայն ժամանակի ի վեր հերկունս եղած խնդիրը—աս՝ օրենքով ապահովված հասարակաց իրավունքը—աս՝ հավասարության հիման վրա դրված փափագը՝ իր նպաստավոր լուծումը կսպասե... տերության սովազաժողովեն»²¹⁹:

Ամենայն Հայոց Կաթողիկոսության պաշտոնաթերթ «Արարատ» ամսագիրը 1902 թվականին անդրադառնալով այս հարցին, ճիշտ կերպով պաշտպանում էր Տրանսիլվանիայի հայոց արդար իրավունքը, գրելով. «Մեր բոլոր համակրանքը Մխիթարյանների պաշտպանած արդար դատի կողմն է» և ապա ամբողջությամբ արտատպում «Հանդէս ամսօրեայ»-ից «Դրանսիլվանիո ազգայնոց փափագը» գրությունը²²⁰, որից մեջբերումներ արեցինք վերևում:

Մի քանի տարվա տիրող լուռությունից հետո, հայ ազգային եպիսկոպոսության վերականգնման հարցը կրկին խնդրո առարկա է դառնում 1906 թվականին, երբ Հունդարիայի ազատասեր Ֆրանց Բ Ռակոցի իշխանի աճյունը Կ. Պոլսից հայրենիք է տեղափոխվում:

Այդ գործում իր օժանդակությունն է ցույց տալիս նաև Կ. Պոլսի հայ կաթոլիկ Պատրիարքարանը: Եվ այս առիթ է լինում կրկին զբաղվելու Տրանսիլվանիայի հայ ազգային եպիսկոպոսության վերականգնման հարցով: Սույն գործի համար Պատրիարքարանից յայտարարված Հ. Հովհաննես ծայրագույն վարդապետ Թումայանը հատուկ հանձնարարագրերով նույնիսկ դնում և ներկայանում է Տրանսիլվանիայի Գուստավ լատին եպիսկոպոսին և այլ կարևոր անձնավորությունների: Նա մեծ ընդունելության արժանացավ հատկապես Եղիսաբեթուպոլսում և հայերը, ոգևորված, Թումայանին առաջադրեցին ապագա հայ եպիսկոպոսության թեկնածու: Հայերի ոգևորությունը և հույսերը շատ ավելի մեծացան հատկապես այն ժամանակ, երբ հայ եպիսկոպոսության վերականգնման գործի մեծագույն ոգևորողներից մեկը՝ Գովրիկյանը, ընտրվեց Վիեննայի Մխիթարյան միաբանության ընդհանուր արքահայր²²¹:

Հ. Միրզայանը, թարգմանը հանդիսանալով ավանդապահ հայերի պահանջների, նույն 1906 թվականին հունգարերեն հրատարակեց մի գրքույկ ևս, «Գեոլալի և բալկանների հայ կաթոլիկ եպիսկոպոսական Աթոռի նշանակությունը» խորագրով: Գրքույկում հեղինակը նախ և առաջ ընդհանուր միակնարկ է գցում Տրանսիլվանիայի հայոց եպիսկոպոսական Աթոռի անցյալի վրա և ապա անում մի շարք գործնական առաջարկություններ: Խոսում է նաև հայկական արարողությունների կրած լատինական ազդեցության և հայերեն լեզվի թուլացման մասին և կրկին եղբակացնում. որ տիրող վատթար վիճակից հայերին միայն հայ ազգային եպիսկոպոսության վերահաստատումը կարող է փրկել: Միրզայանը ի վերջո հայկական եպիսկոպոսության հարցի լուծումն է համարում Վիեննայի Մխիթարյանների տեղափոխումը Գեոլա. հայաբաղադրում²²²:

Հ. Միրզայանը, նույն հարցին վերաբերյալ հրատարակեց նաև «Հայ եպիսկոպոսությունը», Կլուժ, 1896 թ., «Հուշագիր երկրի հայերի եպիսկոպոսության վերահաստատման օգտին», Կլուժ, 1911 թ. գործերը: Այս բոլորը, ինչպես նաև հունգարական մամուլում ժամանակ առ ժամանակ լույս տեսնող հայանպաստ ակնարկները նոր եռանդ էին տալիս Տրանսիլվանիայի հայերին, որոնք բաշ դիտակցելով իրենց օրհասը, էլ ավելի ամուր կառչում էին գործին:

²¹⁹ Նույն տեղում, 1901 թ., էջ 358—359 և Հ. Կ. Կով-
րիկյան, «Հայր յեղիսաբեթուպոլիս», Գ, էջ 423—427:

²²⁰ «Արարատ», Վաղարշապատ, 1902 թ., էջ 43—47:

²²¹ «Հանդէս ամսօրեայ», 1910 թ., էջ 245—247:

²²² Օգովկ ևն իշխալ գործի թարգմանությունից
(տե՛ս Մաշտոցյան Մատենադարանի Ա. Այգոյանյանի
դիվանից, Նամակների բաժին, № 3038):

1906 թվականի սեպտեմբերին, Տրանսիլվանիայի հայաժեռ կաթոլիկ հոգևորականության ժողովը մի անգամ ևս որոշում է, որ միայն և միայն հայ եպիսկոպոսության վերականգնումը կլրկի հայ դադութին իրեն սպառնացող աղետից: Նույն ժամանակ որոշվում է նաև Վիեննայում գործող տրանսիլվանահայ Միսիթարյանների՝ Հ. Գ. Գուրիկյանի և Հ. Դ. Տուհայանի միջոցով մի դիմում հանձնել Հունդարիայի կրոնական գործերի նախարար Ասպրոնինին: Սակայն այս անգամ էլ քաղաքական դեպքերի և խորհրդարանի լուծման հետևանքով, խանգարվում և հետաձգվում է սույն խնդիրը:

1909 թվականի սեպտեմբերի 19-ին, Գեոլու հայաքաղաքում «Հայկական թանգարան»-ի բացման առիթով գումարված Տրանսիլվանիայի հայ երեւելի մարդկանց ընդհանուր ժողովում, դարձյալ որոշվեց մի դիմում ներկայացնել երկրի կրոնական գործերի նախարարությանը: Հ. Ա. Ջնտոյանը, սքանչանալով Տրանսիլվանիայի ավանդադատ հայերի բացառիկ կամքի և հայրենասիրության վրա, Գեոլայից 1910 թվականին գրում էր. «Հայուն կյանքը որչափ տոկուն ու կենսական եղած է, որ դարավոր շրջաններ ընելով հանդերձ, փոխանակ մինչև ցայժմ բնական ճամբով օտարութենե պարտած, պատմական ճամբան բռնած ըլլալու, ահա կարծես ոգի ի բոհի կամքառի մահվան դեմ և դևո կենսական կյանք մը ձեռք ձգելու կաշխատի»: Շարունակության մեջ հողավածագիրը, խոսելով հայերի տեղից տեղ ցրվելու և ուծանալու մասին, գրում էր, որ Տրանսիլվանիայի հայոց նույնիսկ կենտրոնը համարված Գեոլա հայաքաղաքը ևս, որ անցյալում 7 000 հայ բնակիչ է ունեցել, այժմ հաղիվ 1 300 հոգի է հաշվում: Այդ պատճառով էլ «Հայ եպիսկոպոսի նկատմամբ հունգարահայը կարծես, թե պիտի ըլլա իրեն համար Մովսես մը, որ հասցնելով նոր կղերականներ, ցիր ու ցան հոտին գլուխներ, արծարծելով հայ ծեսը, հայ ոգին ու հայ լեզուն, տա հայության այն սպեղանին, որով հուսալի է երկարել հայուն կյանքը»²²³:

Եվ ահա տիրող քաղաքական անբարենպաստ պայմանների հետևանքով մեկ տարի ձգձգվելուց հետո, 1910 թվականի հոկտեմբերի 28-ին Տրանսիլվանիայի հայոց պատգամավորությունը հասնելով Բուդապեշտ, ներկայացավ Հունգարիայի կրոնական գործերի և համակրթության նախարար կոմս Հովհաննես Զիչիին: Պատգամավորու-

թյունը, որ 12 կառքերով հասավ նախարարություն, բաղկացած էր Տրանսիլվանիայի և Հունգարիայի հայ համայնքները ներկայացնող 33 հայ անձնավորություններից: Հայ պատգամավորությունը ղեկավարում էր Վիեննայի Միսիթարյան Միաբանության արքայազն գերապայծառ Գ. Գուրիկյանը, իսկ անդամներից հիշատակենք դոկտ. Լադիշլավ Կորչայանին՝ կրոնական գործերի և համակրթության նախարարության առաջին խորհրդականը (Բուդապեշտ), էլեմեր Դանիելյանին՝ նախարարության քարտուղարը: Հ. Գուրիկյանը Տուհայանին՝ առաքելական քաղաղի Դանուբյան իշխանություններում (Նայսոց), Հ. Ղուկաս Պարանյանին՝ ավագերեց և ժողովրդապետ (Գեոլա), Հ. Սիմոն Ֆարաոնյանին՝ ավագերեց և ժողովրդապետ (Սեպիդ), Ղուկաս Դոտորֆյանին՝ քաղաքապետ (Գեոլա), դոկտ. Հովսեփ Պուլյանին՝ փաստաբան (Կլուժ), Հովհոս Միրզայանին՝ հայադեմո բանասեր (Կլուժ), դոկտ. Զաքարիա Տոնոկանյանին՝ բժիշկ և համալսարանի դասախոս (Բուդապեշտ), Արթուր Վակարյանին՝ լրագրապետ (Զուրջով) և ուրիշներին: Հայկական պատգամավորությունը, ներկայանալով նախարարին, Գուրիկյանը իբրև ղեկավար նախ պատմելուց հետո հայ տղզային եպիսկոպոսության անցյալի մասին, ապա հետևյալ սրտառուչ խոսքերը ասաց.

«Երկու հարյուր տարիի չափ աշխատեցան և խնդրեցին հայ ժողովրդապետությունները՝ թե՛ Ս. Աթոռն և թե՛ կառավարութենեն, որ իրենց հայաժեռ եպիսկոպոս մը տրվի: Բայց իրենց աղաչանքը մինչև հիմակ լսելի չեղավ:

Երբեք կխնդրենք: Ու կխնդրենք անոնց անվամբ, որոնք ամեն ատեն հայրենյաց խորաններուն վրա ղոճ եղան, իրենց ստուգվածքով ու իրենց արյամբը: ... Կը խնդրենք մեր հառուկ ծնունդ ունեցող եկեղեցական վարչություն մը՝ բուհանու ձևով նադրելու իրավամբ և տիրության համապատասխանող հասույթով: Գուրիկյանը ապա նշեց, որ սույն պահանջը երբեք քաղաքական կամ ազգային որևիցե անջատում չի հետապնդում, այլ հանդիսանում է լուկ եկեղեցական հարց և շարունակելով իր խոսքը ասաց. «Ծիսին անվթար պահպանությունը՝ հայ ցեղին մնացականությունը կապահովցնելու, Հունգարական գաղափարին ավելի մեծ ծառայություն կրնան մատուցանել հայերն, իբրև հայ կաթոլիկ հունգարացիներ, բան որ անհետ ըլլալով՝ ձուլվին ազգին մարմնույն մեջ: Հայկական եկեղեցին՝ իբրև լուսատու աշտարակ մը, ամեն ատեն լույս պիտի սփռե այն ուղիով, որն որ ղոճան ու դհայրենասիրությունն՝ իրարու հետ կընդգրկեն...»

²²³ Հ. Ա. Ջնտոյան, «Հունգարիո հայոց եպիսկոպոսության խնդիրը», առ՝ «Հանդիս ամսօրեայ», 1910 թ., էջ 246, 248:

«Հայ եկեղեցւոյն սեփական զուլիս ունենալը՝ չէ թէ միայն հարկավոր, հապա նաև արդար ու իրավացի է, Իրավացի՝ անոր համար, վասնզի նախնայաց ունեցած ղթութիւնն է հունգարական տերութեան ու ազգին հետ ուրախութեան և վշտաց մեջ 250 տարին ի վեր՝ մեկ սիրտ ու մեկ հոգի եղած, հայ ժողովուրդը կ'իսկապի և հունգարական ազգին համար երբեք չղտորելի շնորհապարտութեան ապահովութեամբը կ'իսկապի Ս. Գահուն և տերութեան ձևոք իր նախնի եկեղեցւոյն վերանորոգութիւնն ու ասով՝ իր աղատութիւնը»:

«Գործիկայնր վերջում պատգամավորութեան անունից նախարարին հանձնեց հուշագիրը, որին ի պատասխան նախարարը ասաց. «Գիտեմ, որ այս բանս Ձեր մեկ հին փափագն է, դոր հիմակ դարձյալ կ'վերանորոգէք, Սակայն ես հիմակ այն վիճակի մեջը չեմ, որ այսօր որոշ ու ապահով հայտարարութիւն մը կարենամ ընել և կամ որոշ ուղղութիւն մը ցուցնել այս բանին նկատմամբ»: Սակայն խոստացաւ հետագայում աշխատել այս ուղղութեամբ, և բառացի ասաց նաև հետևյալը. «Նով խնդրեմ՝ ինչ որ ալ պատահի, կրնաք համոզւած ըլլալ, որ հայածես ուղղափառաց և անոնց օգտին ի նպաստ՝ միշտ ամենամեծ սիրով և լավազգացութեամբ պիտի ընդգրկեմ»²²⁴:

Ինչպէս հունգարական, այնպէս էլ սփյուռքահայ բովանդակ մամուլը երկարորեն զրազկեց այս հարցով: Նույնպէս Ամենայն Հայոց Կաթողիկոսութեան պաշտոնաթերթ «Արարատ» ամսագիրը 1910 և 1911 թվականներին մի շարք համարներում ջերմորեն արձագանքեց Տրանսիլւանիայի հայերի ղերմարզկային ճիգերին²²⁵:

Սակայն, ինչպէս միշտ, այս անգամ էլ անյան տառնները և հայոց խնդիրը մնաց անպատասխան:

Եւ այսպէս Տրանսիլւանիայի հայախոս, կամ ինչպէս նրանք էին իրենց սիրում ասել, հուշաշուրթ կենտրոնները մեծ մասամբ դատուկացան հայերից և հայորդիների ձուլման տեղադրի տարրի մեջ ավելի քան արագացալ:

1921 թվականին Տրիանոնի պայմանագրով Եւրոպական միացվեց Ռումինիային և սա կրկին սկսեց արժարժել հայոց եպիսկոպոսութեան հարցը: Արդեն իսկ 1928 թվականի ապրիլի 22-ին, Ռումինիայի ղավանութեան օրենքի 21-րդ հոդվածի համաձայն,

հիշատակւած եկեղեցիների շարքում կար նաև հայ կաթողիկ ծեսար Շատ շուշուով. 1930 թ. հունիսի 5-ին, Ռումինիայի պետութեան և Վատիկանի միջև կնքված կոնկորդատով, նախատեսվում էր, որ հայ ծեսին պատկանող պետութեան բոլոր կաթողիկոսները պետք է որ ունենան իրենց հոգևոր պետք: Առաջնորդի նստատեղին էր լինելու Գեոլան, իսկ այն անմիջականորեն պետք է ենթարկվեր Վատիկանին: Այսպիսով, հայերի Երկրորդ պաշարը իր լուծումն էր գտնում Ռումինական կառավարութեան օրոք:

1930 թվականի հոկտեմբերի 17-ին, Տրանսիլւանիայի և բովանդակ Ռումինիայի հայ կաթողիկ նորաստեղծ թեմի հոգևոր առաջին առաջնորդ ընտրվեց Վիեննայի Մխիթարյաններից Հ. Սահակ Կոպյանը:

1939 թվականի օգոստոսին, Ռումինահայ կաթողիկոսների թեմի առաջնորդ ընտրվեց Տրանսիլւանիայի հայութեան ընդմեջ մեկ ղավակը՝ Հ. Հովհաննես-Ջալալան Լևոկլւանը (1908—1964 թթ.), որն իր նստատեղին հաստատեց պատմական Գեոլա հայաքաղաքում: Սույն առգերը ստորագրողը բաղմիցս ականատես է եղել Հ. Լեւոկլւանի ազգասիրական ժրաջան աշխատանքներին՝ նա մի կողմից մեսրոպատառ մեր լեւոն էր աշխատում սովորեցնել հունգարայած հայ մանուկներին, իսկ մյուս կողմից Գեոլայի հոյակապ վալը տաճարում վաղեմի հայ պաղտի վերջին բեկորներին հաղորդակից էր դաբձնում հայոց պատարագին: Դարձյալ նա էր, որ երիտասարդական մեծ եռանդով փրկել էր հայերեն ձեռագրերի հարուստ ժողովածուն պաաներամի արհամիրքներից և դարձյալ ինքն էր, որ Մայր Տաճարում պատահած հրդեհի ժամանակ անձնապէս կերպով նույն թանկագին զրադրերը կարողացել էր ապահով ստույգ ոչնչացումից: Հ. Լեւոկլւանի վաղաժամ մահից հետո, ներկայումս, երբ բացի մի հոգևորականից, ոչ մի հայ հոգևոր պաշտոնյա չունի տեղի հայութիւնը, դարձյալ լատին եպիսկոպոսն է, որ իր վերին իրավասութիւնն է տարածել նրանց վրա: Վերջին հայ խլակաները այսօր այլևս ի վիճակի չեն ձայն բարձրացնելու հայ եպիսկոպոսութեան ե թեմի վերականգնման մասին այնպէս, ինչպէս իրենց անմահ նախնիներն էին արել սերունդներ շարունակ: Պետք է նշարձել, որ հայ կաթողիկ Պատրիարքութիւնը իր հնարավորութեան սահմաններում կմտածի Տրանսիլւանիայի թեմ հունգարացած, սակայն իրենց հայ ոգին դեռ ամուր պահած վաղեմի հայ ղաղութի վերջին բեկորների ճակատագրի մասին, քանի դեռ ուշ չէ:

²²⁴ «Հանդէս ամսօրեայ», 1910 թ., էջ 355—357:

²²⁵ «Արարատ», 1910 թ., էջ 932—933, 1055, 1911 թ., էջ 108:



Ավարտելով Տրանսիլվանիայի հայերի ազգային ինքնուրույնության համար մղած երկու հարյուր հիսունամյա պայքարի պատմությունը, նվիրված ներկա ուսումնասիրությունը, փաստերի քննությունը հանգեցնում է մեզ հետևյալ գլխավոր հետևությունների.

1. Լինաստանի հայերի բռնի կաթոլիկացումից հետո, կվովի նորաստեղծ հայ-կաթոլիկ լինմը գլխավոր հենակետ հանդիսացավ Տրանսիլվանիայում ապաստանած, ինչպես նաև դեռևս Մոլդովայում անհովիվ մնացած հայերին պապականության գիրկը մղելու գործում:

2. Լեհահայ կաթոլիկ թեմի առաջնորդ տիրահաշակ Նիկոլ Թորոսովիչի և նրա հաջորդների կողմից նաև Մոլդովայի հայերի հոգևոր առաջնորդ անվանվելը, ինքնահայար և խարդախ մի քայլ էր Մոլդովայի հայերին ևս կաթոլիկացնելու համար:

3. Օքսենտ Վրդարյան վարդապետը, որն իր ուսումը ստացել էր Հռոմի Ուրբանյան վարժարանում, կվովի հայ կաթոլիկ թեմի առաջնորդ Վարդան եպիսկ. Հունանյանի, ինչպես նաև Պրոպագանդայի կողմից նկատվեց ամենահարմար թեկնածուն Տրանսիլվանիայից Մոլդովա գաղթած հայերին ժամ առաջ «դարձի» բերելու համար:

4. Քննարկվող փաստերը անվիճելիորեն հերքում են մինչև այժմ պատմագրության կողմից ընդունված այն թյուր կարծիքը, ըստ որի իբրև Տրանսիլվանիայում ապաստանած հայերը ամենայն հեշտությամբ ընդունել են կաթոլիկությունը: Պարզվում է, որ իրականում բաղմամբիվ սերունդներ համառ և երկարատև պայքար են մղել լատինական ամեն մի նորամուծության դեմ և ամենայն վճռականությամբ պաշտպան կանգնել չորսերնի ավանդություններին և սովորույթներին:

5. Ապացուցվում է, որ Մոլդովայի հայոց հոգևոր առաջնորդ Մինաս Զիլիֆտար օղլու եպիսկոպոսը, ոչ թե 1669—1672 թթ. անցել և գտնվել է Տրանսիլվանիայի Բիստրիցա քաղաքում, ինչպես կարծել են ոմանք, այլ նա հասել է Տրանսիլվանիա միայն 1676 թ. և հաստատվել Զուրջով քաղաքում: Նույն Մինաս եպիսկոպոսը, որը 10 տարի շարունակ բուռն կերպով մերժել էր ընդունել կաթոլիկությունը, միայն իր կյանքի վերջին ամիսներին, այսինքն 1686 թ. ինչպես մեծ ցնծությամբ արձանագրել են կաթոլիկական աղբյուրները (Վ. Հունանյան, Ստ. Ռոշբա և այլն), հարեց կվովում հոռմեական դավանությանը: Բացահայտվում է, սակայն, որ Մինասը իրականում կվով է տարվել կաթո-

լիկական քարոզչության այնպիսի ղեկավարների կողմից, ինչպիսիք են Վ. Հունանյանն ու Օք. Վրդարյանը և ապահովարար նրան կաթոլիկացրել են բռնի կերպով, իսկ վերագրառնալուց քիչ անց, նա արդեն մահացել է:

6. Հերքվում է նաև բաղմամբիվ պատմաբանների կողմից ընդունված այն կարծիքը, ըստ որի հիշյալ Մինաս եպիսկոպոսը (մահացած 1686 թ.) և 1649 թ. ձեռագիր մի Ավետարանում հիշատակված Մինաս վարդապետը (որը դարձյալ եղել է Մոլդովայի հայոց հոգևոր առաջնորդը), իբրև միևնույն անձնավորությունն է եղել: Աներկրայորեն ապացուցվում է, որ Տրանսիլվանիա դուրս գալով Մինաս եպիսկոպոսը Մոլդովայի հայոց առաջնորդ դարձած կարող էր լինել, ոչ շուտ, քան 1669 թ. վերջը, քանի որ նույն թվականին իբրև Մոլդովայի հայոց առաջնորդ հիշվում է Սահակ եպիսկոպոսը: Այնինչ 1649 թ. հիշատակված Մինասը 1656 թ. զոհ է գնացել Սուլավայի հայոց վանքի վրա կատարված մի ասպատակության ժամանակ:

7. Օքսենտ Վրդարյանը սկսած 1686 թ. մինչև իր մահը (1715 թ.), հակառակ իր կողմից ղործադրած բոլոր հորդորներին և անդամ բռնի միջոցառումներին, չկարողացավ իր ավարտին հասցնել Տրանսիլվանիայի բոլոր հայերին կաթոլիկացնելու իր «առաքելությունը»:

8. Օքսենտ Վրդարյանը 1690 թ. սկսում է Մոլդովայում դեռևս անդել մնացած հայերին ևս պապականության գիրկը մղելու գործը: Սակայն ինչպես անցյալում, այս և հետագայի նմանօրինակ բոլոր փորձերը մատնվում են անհաջողության:

9. Տրանսիլվանիայում կաթոլիկության հարած հայերը շատ շուտով համոզվեցին իրենց նախապես տրված խոստումների սնանկ և կեղծ լինելու մասին, քանի որ նրանց տնտեսական դրությունը կաթոլիկության ընդունումից հետո շատ ավելի վատթարացավ: Հայերի մի մասը ստիպվեց դուրս գալ երկրից, իսկ որոշ մասն էլ անսալով երկրի իշխան Միքայել Ա. Ապաֆիի հորդորներին անցավ նրա Բաշդարով (ապա Եղիսարեթուպոլիս) կալվածք և ընդունելով նրա հովանավորությունը և օգտվելով նրա տված առանձնաշնորհումներից, դարձյալ վերադարձավ հայ եկեղեցու գիրկը:

10. Հայ եկեղեցու գիրկը դարձյալ վերադարձած հայերի ուժեղ գիմադրությունը միայն և միայն ջլատվեց 1731 թ. լատին եպիսկոպոսի հրահանգով և հայ մեծամեծների բռնությամբ, որոնք երկրից աքսորելու սպառնալիքով ջանացին բռնի կաթոլիկացնել բոլորին: 1731 թ. ցարդ ընդունված է իբրև

Տրանսիլվանիայի հայերի կաթոլիկացումը ավարտելու թվական, այնուամենայնիվ գեոկա մինչև իսկ 1758 թ. կայսերական հրովարտակույ՝ հիշատակվում են «ուղղափառ չէզոք», այսինքն ոչ կաթոլիկ հայերի մասին, ուստի դժվար չէ հետևել, որ անգամ 18-րդ դարի երկրորդ կեսին Տրանսիլվանիայի ոչ բոլոր հայերն են, որ կաթոլիկ էին:

Կաթոլիկությանը հարած հայերի միջև ես տեղի է ունեցել ուժեղ պայքար: Նրանցից մեծ մասը ընդունելով հանդերձ Հոռմի պասիի ձևական ղերիչաանությունը, միաժամանակ ասի ի բռին մարտնչում էր պահպանել հայրենի ավանդությունները և սովորությունները, իսկ մյուս կողմից հայերի փոքրամասնի մի մասը ցանկանում էր հայրենի հնավանդ սովորություններին վերջ տալու միջոցով դուր գալ հայ թեմի ինքնակոչ տերն ու տիրականը դարձած լատին եպիսկոպոսին և նրանից եկամտաբեր պաշտոն ստանալ:

11. Ցարդ պատմագրության մեջ տիրել է նաև այն կարծիքը, ըստ որի իբր Տրանսիլվանիայի հայերը իրենց ցանկությունը թողել են հին տոմարը և ընդունել նորը: Այնինչ պատմաբան քննությունը բոլորովին այլ հետևություն է բերում ուսումնասիրողին: Վրդարյանը հավանական է, որ կաթոլիկության տարածման հետ միասին 1690 թ. Տրանսիլվանիայի հայերի մի մասի մոտ կիրառության մեջ էր դրել նոր տոմարը, սակայն նրա մահով ապահովաբար այն մոռացության տրվեց: Ավելի ուշ հայտնի լեհահայ մատենագիր Ատ. Ռոշբայի կողմից նոր տոմարը մոծելու նոր փորձը ևս արմատ չի բռնում հայերի մոտ: Նույնպես այն հնարավոր չեղավ հայերին ընդունել տալ ոչ իսկ 1731 թ., երբ արքայի սպառնալիքով հայերին բռնի կաթոլիկացնելուց բացի, որոշվել էր ընդունել տալ նաև նոր տոմարը: Ի վերջո նոր տոմարը պարտադրվեց Նդիսաբեթուպոլսի հայերին 1757 թ. և հանդիպեց ժողովրդական դանդաղացների կողմից ուժեղ դիմադրության, քանի որ հին տոմարի պահպանումը ավանդապահ ժողովրդական խավերի համար համարվում էր իբրև իրենց ազգային ինքնությունը պահպանող կարևոր ազգայիններից մեկը: Նոր տոմարի ընդունումը ի վերջո տեղի ունեցավ, ոչ թե հայերի կամքով, այլ երկարամյա բռնի պայքարից հետո և այն պարտադրվեց դարձյալ վերևից բռնի կերպով: Անդամ Գևորգ հայաբաղադրում, որը համարվել էր իբրև հայ կաթոլիկության կենսալուծ, նոր տոմարը ավանդապահ հայերի կողմից երկար տարիներ մերժվել էր և այն մոտե գործեց հաղթի 1758 թ.:

12. Վրդարյանի մահից հետո Տրանսիլվանիայի լատին եպիսկոպոսը ինքնակոչ կերպով իր իրավասությունը տարածեց նաև երկրի հայ թեմի վրա և ծրագրված կերպով սկսեց վերջ տալ հայերի մինչ այդ վայելած ինքնուրույնությանը և մայրենի լեզվի ու սովորությունների պահպանմանը: Ահա թե ինչու Տրանսիլվանիայի հայերի կողմից իրենց ինքնուրույնության համար մղած պայքարը ամենից ավելի երկարատև և կազմակերպված բնույթ ընդունեց հատկապես հիշյալ հայկական ինքնուրույն եպիսկոպոսության վերականգնման համար մղած ավելի քան երկդարյա համառ մարտերում:

Տրանսիլվանիայի հայերի բացառիկ այս կենսունակությունն ու իրենց ազգային ինքնությունության պահպանման համար մղած համառ ու երկարատև պայքարը արդյունք էր այն բանի, որ նրանք տվյալ ժամանակաշրջանում լեհաստանի հայերի մեծ մասի նման չէին մոռացել իրենց մայրենի լեզուն և կամ չէին ձուլվել, այլ ընդհանրապես, նրանք նախնիները հայրենի երկրից ուղղակի գաղթելով Մոլդովա և այնտեղ էլ սրբություն պահպանելով հնավանդ սովորությունները, Տրանսիլվանական հողում իրենց աչքերը բացող նորանոր սերունդներին կարողացել էին հաղորդակից դարձնել դարերից եկող հայրենի շնչին: Ազգապահպանման այդ գործին որոշ ժամանակ մեծապես սատարել էին նաև նույն զաղութի ծոցից ծնված հայ առաջավոր մտավորականների այն հույլը, որ հայրենասիրական ոգով լուսավորական գործունեություն էր ծավալել Տրանսիլվանիայի հայաշատ կենտրոններում, իրենց սպառնացող օրհասը գիտակցող հայության մեջ:

Այդ պատճառով էր, որ հայերը առանց իհատվելու կարողացել էին լատինական նորամոծություններին երկարորեն հակադրել իրենց ազգային ծեսն ու հայրենի նվիրական ավանդույթը:

Այսպիսով լատինականության դեմ հայերի մղած պայքարը, իրականում պայքար էր ազգային ինքնուրույնության պահպանման համար:

Ահա թե ինչու Տրանսիլվանիայի հայերի կողմից իրենց ազգային ինքնությունության և հայրենի ավանդությունների պահպանման համար մղած այդ երկարատև պայքարի ժամանակաշրջանը, իր բոլոր հերոսական դրվագներով, արժանի տեղ պետք է գրավի հայ գաղութների մաքառման պատմության ոսկեմատյանում: